

# 大演習歌

雜言二十八句

教授 野野口 湖海

維聖皇德 巍巍光萬方 維文維武 長令國家昌 乃順天時 乃闢戎場 乃振天威 校戰閱兵 今茲九州野  
 猛士氣軒昂 而軍容肅 我武豈不揚 玉鑾臨矣 山河亦有光 行空者何船 下瞰敵而颯 礮轟發萬雷 劍閃  
 動嚴霜 進退疾鷺鳥 龍戰而雲張 紛紛紜紜 如亂不可望 離合應其形 四鎮有紀綱 胡為哉講武 思患欲  
 預防 吁嗟乎文與武 孰不仰聖皇

# 春夜聽雨有感

(舊作)

英法一年 今 田 鐵 甕

四檐琴筑聽奇哉。點滴微時瞑想催。幽意入花燈影罩。新愁在柳笛聲來。錦城未解放翁感。蜀道空憐杜老才。  
 難掩枝頭鶯夢冷。江南漠漠澹雲堆。花落故城禽寂寂。煙籠春浦柳絲絲。笛邊縹渺懷人處。燈下深沈鍊句時。  
 殘寒如水透簾帷。薄夜纖雲感更滋。花落故城禽寂寂。煙籠春浦柳絲絲。笛邊縹渺懷人處。燈下深沈鍊句時。  
 孤枕欲眠猶聽雨。半檐點滴不勝悲。

纖穠流麗。自是近代風調。

讀乃木大將遺詠集

一篇錦繡見遺靈。花月襟懷好典型。立馬金州城外嶺。荷鋤總武野邊亭。往時烈士如春雪。故國英雄亦曉星。偉烈千秋誰不仰。維持風教有餘馨。

側寫正寫。別是一種工夫。

御幸橋晚歸

高城方八月。一路颯秋風。杏樹斜陽外。戍樓煙雨中。來看新衛士。追慕古英雄。御幸橋頭晚。行人仰大空。

一結儻然。

秋雨懷鄉

雲橫大野雁聲寒。黯雨蕭蕭夜正闌。今夕客懷誰與語。江南舊夢一燈殘。

一起蒼渾。

槐園主人批